

The Electronic Manipulus florum
www.manipulusflorum.com

Ira a
cum fonte primo

Ira est, quantum me fert opinio, turbulentus appetitus auferendi ea que facilitatem actionis impediunt. Id circo plerumque non hominibus tantum sed calamo irascimur in scribendo, eumque collidimus atque frangimus, et alleatores tesseris et pictores pennicello, et cuique instrumento quilibet, ex quo difficultatem se pati arbitratur. Hac autem assiduitate irascendi fel crescere eciam medici affirmant, cremento autem fellis rursus et facile et prope nullis causis existentibus irascimur.

Augustinus in epistola ad Nebridium.

Ira est autem, quantum mea fert opinio, turbulentus appetitus auferendi ea quae facilitatem actionis impediunt. Itaque plerumque non hominibus tantum, sed calamo irascimur in scribendo eumque collidimus atque frangimus, et aleatores tesseris et pictores penicillo et cuique instrumento quilibet, ex quo difficultatem se pati arbitratur. Hac autem assiduitate irascendi fel crescere etiam medici affirmant, incremento autem fellis rursus effici, ut facile ac prope nullis causis existantibus irascamur.

Augustinus Hipponensis, *Epistulae*, 9, 4 (CCSL 31, p.22, ll.47-55).